

2017-imut nammineerluni nalunaarsuineq

Akileraartarnermut Aqutsisoqarfiup 2017-imut nammineerluni nalunaarsuiffissaq nassiussimalerpaa.

Ukiumi 2017-imi isertitaasut ilaanik nammineerlutit nalunaarsuiffissat paasissutissanik naqeriikkanik ima-qassaaq.

Kisitsisit naqinneqareersut tassaapput Akileraartarnermut Aqutsisoqarfiup paasissutissaataasa katinneri. Paa-sissutissat naqinneqareersut eqqortuunersut misissussavatit.

Ukioq aningaasarsiorfik 2017-imiit nunani allani soraarnerussutisiassatigut aqqissuussinermi akiliutit pisortaniillu tapiissutisiat aningaasarsiatut A-tut akileraaruserneqassapput. Tamanna pillugu www.aka.gl-mi paasissutissat aannertunerusut takusinnaavatit.

Nammineerluni nalunaarsuiffiup 2017-imut isertitannik akileraaruteqaataasussanik aningaasartuutinnillu ilanngaatigineqarsinnaasunik tamarmiusunik imaqarnissaa akisussaaffigivat. Katissimagussi nalunaarsuiffimmi paasissutissat namminermut tunngasut eqqortuuneri tamassi immikkut akisussaaffigaasi.

Paasissutissat naqinneqareersut eqqortuuppata allamik iliuuseqaqqissanngilatit. Kingusinnerusukkut inaarummik naatsorsuummik Akileraartarnermut Aqutsisoqarfimmiit tigusaqarumaarputit.

Paasissutissat naqinneqareersut saniatigut isertitaqarlutilluunniit aningaasartuuteqarsimaguit nammineerluni nalunaarsuiffik immersoriarlugu nassiutissavat.

Paasissutissani naqinneqareersuni eqqunngitsoqarpat imaluunniit paasissutissat amigaateqarpata aamma nammineerlutit nalunaarsuiffiit paasissutissanik eqqortunik ilalerlugu Akileraartarnermut Aqutsisoqarfimmut nassiutissavat.

Nammineerluni nalunaarsuiffimmut allannguutit nammineerlunilu nalunaarsuiffimmut paasissutissat nutaat Akileraartarnermut Aqutsisoqarfimmi nammineq-toortaalluni-periarfissaq www.aka.gl-imiittoq imaluunniit NemID-qaruit www.sullissivik.gl -imi imminut sullinneq aqutugalugit nalunaarutigineqarsinnaapput, taamatullu aamma taakku arlaat aqutugalugit nammineerluni nalunaarsuiffik nassiunneqarsimasoq akuerisinnaallugu.

Nammineq-toortaalluni-periarfissaq atorniarukku inuttut normut aammalu nammineq-toortaalluni-isissutissaq nammineerluni nalunaarsuiffiup saqqaani allassimasoq atorneqassapput. Taamatuttaaq Nammineq-toortaal-luni-periarfissami kisitsisit katinneri ataasiakkaat, assersuutigalugu aningaasarsiat A-t katinneri, qanoq katitigaanersut takuneqarsinnaapput.

Namminersorlutit suliffeqarfimmik ingerlatsisuuguit nammineerluni nalunaarsuiffimmik Akileraartarnermut Aqutsisoqarfimmut tamatigut tunniussisussaavutit, tassungalu ilanngutissavatit/upload-issavatit naatsorsuutit.

Naatsorsuutit saniatigut www.aka.gl-imi imaluunniit www.sullissivik.gl-imi imminut sullinnermut periarfissat aqutugalugit paasissutissanik allanik, assersuutigalugu nalikilliliinermi immersukkannik, ernianut uppernarsaatinik, pilersuisussaataitanermi akilersuutigisannut uppernarsaatinik il.il. Akileraartarnermut Aqutsisoqarfiup akileraaruserinermi qarasaasiaqarfianut upload-erisinnaavutit.

Nassiussaqarnissamut killissarititat:

Nammineerluni nalunaarsuiffimmik **iluarsisamik** nassiussisaguit nammineerluni nalunaarsuiffik akuerine-qassaaq imaluunniit Akileraartarnermut Aqutsisoqarfimmut nassiunneqassaaq kingusinnerpaamik **1. maj 2018-imi**.

Namminersorlutit inuussutissarsiummik ingerlataqaruit, nammineerlunilu nalunaarsuiffimmik naatsorsuutinillu internettikkut, nammineq-toortaalluni-periarfissaq www.aka.gl-imiittoq imaluunniit NemID-qaruit

www.sullissivik.gl-imi imminut sullinneq aqutigalugit nassiussaqaarniaruit, tamanna **kingusinnerpaamik** pissaaq **15. maj 2018-imi**.

Namminersorlutit inuussutissarsiummik ingerlataqaruit, ukiumullu aningaasarsiorfiusumut 2016-imut aningaa-sarsiatit akileraaruteqaataasussat missingersuinikkut angissusiliiffiqeqarsimallutik, taava tunniussaqaarnis-sat/nassiussaqaarnissat pissaaq kingusinnerpaamik **1. maj 2018-imi**.

Aningaaserivimmi kontonormu:

Checkinik atuisoqarunnaarpoq 1. januar 2017 aallarnerfigalugu.

Tamanna pissutigalugu akileraarutinit utertoortisiassarinnasatit taamaallaat aningaaserivimmi kontunnut ikineqarsinnaapput.

Taamaattumik pingaaruteqarpoq aningaaserivimmi kontonormut nammineerluni nalunaarsuiffiup quppernerisa 4-ni allannissaa imaluunniit www.sullissivik.gl-imi iserluni imaluunniit nammineerluni nalunaarsuut nalunaarsornerani/akuerinerani.

www.aka.gl-imi sukumiinerusumik paasisaqaarsinnaavutit soorlu nammineerluni nalunaarsuiffissap immersornissaanut ilitsersuutit S2 aamma S2a takusinnaavatit.

Nammineerluni nalunaarsuiffissap immersornissaanut nalornissuteqaruit Akileraartarnermut Aqutsisoqarfiup Innuttaasunut Sullissivia attaveqarfigisinnaavat. Innuttaasunut Sullissivimmut paasissutissat nammineerluni nalunaarsuiffiup saqqaani takuneqarsinnaapput.

Akileraartarnermut Aqutsisoqarfik
Innuttaasunut Sullissivik
Postboks 1605
3900 Nuuk
Oqarasuaat 34 65 10
Fax 32 20 42
E-mail: tax@nanog.gl

Akileraartarnermut Aqutsisoqarfik
Innuttaasunut Sullissivik
Postboks 521
3920 Qaqortoq
Oqarasuaat 34 65 10
Fax 32 20 42
E-mail: tax@nanog.gl

Akileraartarnermut Aqutsisoqarfik
Innuttaasunut Sullissivik
Postboks 1022
3952 Ilulissat
Oqarasuaat 34 65 10
Fax 32 20 42
E-mail: tax@nanog.gl

Akileraartarnermut Aqutsisoqarfik
Innuttaasunut Sullissivik
Postboks 3560
3911 Sisimiut
Oqarasuaat 34 65 10
Fax 32 20 42
E-mail: tax@nanog.gl

Innuttaasunut Sullissivimmut saaffiginninnissannut tamatigut tikilluaqqusaavutit – illit pillutit sulivugut.